

ISPRAVKA

OPĆINA NOVI GRAD

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst), Općinski načelnik, dana 06.03.2014. godine, donosi

ISPRAVKU

ODLUKE O KOREKCIJI IZMJENA I DOPUNA
REGULACIONOG PLANA "DOBRINJA"

(Stambeno-poslovna lamela, k.č. 3281)

1. U "Službenim novinama Kantona Sarajevo" broj 2/14 od 16.01.2014. godine, na strani 147, objavljena je Odluka o Korekciji Izmjena i dopuna Regulacionog plana "Dobrinja" (stambeno-poslovna lamela, k.č. 3281). Uvidom u objavljeni tekst Odluke, konstatovane su razlike usljed tehničkog propusta kod dostave teksta u odnosu na izvorni tekst predmetne korekcije Plana, te ispravka treba da glasi:
U članu 2. stav 3 umjesto:
"Potrebno je obezbijediti parking prostor unutar regulacione linije parcele planiranog objekta sa minimalnim brojem 1 stan - 1 parking mjesto i određenim brojem parking mjesta za potrebe poslovnog dijela objekta.", treba da stoji:
"Parkiranje će se obezbijediti u skladu sa rješenjem saobraćaja u mirovanju u obuhvatu Plana. Potreban broj parking mjesta 1 stan jedno parking mjesto i određenim brojem parking mjesta za potrebe poslovnog dijela objekta će biti obezbijeđeno u planiranom objektu (parking - garaža) koja se nalazi sa sjeverne strane predmetnog planiranog objekta."
2. Ovu ispravku treba objaviti u "Službenim novinama Kantona Sarajevo".
Broj 02-05-16036/13-4 Općinski načelnik
06. marta 2014. godine Mr. Semir Efendić, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Centar za razvoj društva, kulture i nauke, Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo, Udruženje "Centar za razvoj društva, kulture i nauke", skraćeni naziv je "REJHAN", sa sjedištem u Sarajevu, ulica Francuske revolucije broj 1.
2. Upis je izvršen pod registarskim brojem 1892. knjiga IV Registra udruženja, dana 05.03.2014. godine.
3. Programski ciljevi i zadaci Udruženja su: razvoj demokratskih odnosa i solidarnosti društva u cilju jačanja EU i društvenog sklada, podsticati zajednički život, povjerenje i toleranciju među građanima, surađivati sa organizacijama kao što su univerziteti, privredne komore u zemlji i inostranstvu radi regionalnog razvoja, organizovati radove, istraživanja i procjene u vezi utjecaja procesa integracije na društvo, mala i srednja preduzeća i nevladine organizacije, pripremati projekte za regionalni razvoj i učestvovati u ovakvim projektima kao partner ili učesnik, organizovati, koordinirati i surađivati u međunarodnim studijama u cilju služenja regionalnom i

svjetskom miru, provoditi studije usmjerene ka proizvodnji socijalne politike po pitanjima kao što su obrazovanje, kultura, sigurnost, zdravlje i dr, razmišljati o omladini kao o jednom sektoru, pratiti programe potpore naše zemlje, EU, Svjetske banke, UNDP-a u vezi nevladinih organizacija, općina, malih i srednjih preduzeća, te pripremati projekte na ovu temu i učestvovati u njima kao partner ili učesnik kao i drugi ciljevi utvrđeni Statutom Udruženja;

4. Osoba ovlaštena za zastupanje i predstavljanje je: Abdulah Branković - predsjednik Udruženja;

Broj 03-05-05-1204/14
05. marta 2014. godine
Sarajevo

Ministrica
Velida Memić, s. r.

(O-230/14)

Na osnovu člana 33. stav 2. i člana 43. stav 1. tačka 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja ljubitelja Afrike, Ministarstvo pravde i uprave donosi

RJEŠENJE

Prestaje sa radom Udruženje ljubitelja Afrike, skraćeni naziv je "AFRICA CLUB" sa sjedištem u Sarajevu, ulica Ciglanska broj 6, upisano u Registar udruženja koji se vodi kod Ministarstva pravde i uprave Kantona Sarajevo, Rješenjem broj 03-05-05-13043/11 od 14.21.2011. godine, pod registarskim brojem 1600. knjiga III Registra.

Broj 03-05-05-1931/14
05. marta 2014. godine
Sarajevo

Ministrica
Velida Memić, s. r.

(O-234/14)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Sarajevo - grad logor", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Sarajevo - grad logor", sa sjedištem u Sarajevu, ulica MULA MUSTAFE BAŠESKIJE broj 5.
2. Upis je izvršen pod registarskim brojem 1875. knjiga IV Registra udruženja, dana 25.12.2013. godine.
3. Programski ciljevi i zadaci Udruženja su: Podstiče čuvanje i njegovanje moralno-etičkih vrijednosti građana okupiranog Sarajeva; Inicira članove Udruženja na očuvanju tekovina odbrambenog rata, a naročito svih spoznaja i događaja u Sarajevu-gradu logoru; Njegovanje i očuvanje vrijednosti proisteklih iz rata: patriotizma, jedinstva, solidarnosti, sa posebnom brigom prema svim žrtvama rata; Čuvanje od zaborava najistaknutijih pojedinaca Grada Sarajeva koji su dali živote u njegovoj odbrani; Inicira obilježavanje značajnih događaja iz opkoljenog Sarajeva 1992 - 1995. godina.
4. Osoba ovlaštena za zastupanje i predstavljanje je: Mulić Hajrudin - predsjednik Upravnog odbora.

Broj 03-05-05-11208/13
25. decembra 2013. godine
Sarajevo

Ministrica
Velida Memić, s. r.

(O-235/14)